

# ԳՆՄԱՆ ՊԱՅՄԱՆԱԳԻՐ N 03/29

<<ՀԱԷԿ>> ՓԲԸ ԿԱՐԻՔՆԵՐԻ ՀԱՄԱՐ <<ՀԱԷԿ>> ՓԲԸ ՇԵՆՔԵՐԻ և ՇԻՆՈՒԹՅՈՒՆՆԵՐԻ ՆՍՏՎԱԾՔՆԵՐԻ ՉԱՓՈՒՄՆԵՐ ԳԵՌՂԵԶԻՍՏԱԿԱՆ ՄԵԹՈՂՈՎ, ԴԵՖՅՈՐՄԱՑԻՈՆ ՆՇԱՆՆԵՐԻ ՎԵՐԱՆՈՐՈԳՈՒՄ և ՆՈՐԵՐԻ ՏԵՂԱԴՐՈՒՄ>> ԾԱՌԱՅՈՒԹՅԱՆ ՄԱՍՈՒՑՄԱՆ

Գնման ընթացակարգի ծածկագիրը՝ ՀԱԷԿ-ԳԸՇՁԲ-24/20



ք. Մեծամոր

«Հայկական ատոմային էլեկտրակայան» ՓԲԸ-ն («ՀԱԷԿ» ՓԲԸ), ի դեմս գլխավոր տնօրեն Մովսես Վարդանյանի, որը գործում է կանոնադրության հիման վրա (այսուհետ՝ Պատվիրատու), մի կողմից, և «Մագիստրալ նախագիծ» ՍՊԸ, ի դեմս տնօրեն Անժելիկա Հովհաննիսյանի, որը գործում է կանոնադրության հիման վրա (այսուհետ՝ Կատարող), մյուս կողմից, կնքեցին սույն պայմանագիրը հետևյալի մասին:

## 1. ՊԱՅՄԱՆԱԳՐԻ ԱՌԱՐԿԱՆ

1.1 Պատվիրատուն հանձնարարում է, իսկ Կատարողը ստանձնում է <<ՀԱԷԿ>> ՓԲԸ շենքերի և շինությունների նստվածքների չափումներ գեոդեզիստական մեթոդով, դեֆորմացիոն նշանների վերանորոգում և նորերի տեղադրում>> ծառայությունների մատուցման պարտավորությունը (այսուհետ՝ ծառայություն)՝ համաձայն սույն պայմանագրի (այսուհետ՝ պայմանագիր) անբաժանելի մասը կազմող N 1 հավելվածով սահմանված Տեխնիկական բնութագիր-գնման ժամանակացույցի պահանջներին:

1.2 Ծառայությունը մատուցվում է պայմանագրի N 1 հավելվածով սահմանված Տեխնիկական բնութագիր-գնման ժամանակացույցին համապատասխան և սահմանված ժամկետներով:

## 2. ԿՈՂՄԵՐԻ ԻՐԱՎՈՒՆՔՆԵՐԸ ԵՎ ՊԱՐՏԱԿԱՆՈՒԹՅՈՒՆՆԵՐԸ

### 2.1 Պատվիրատուն իրավունք ունի՝

2.1.1 Ցանկացած ժամանակ ստուգել Կատարողի կողմից մատուցվող ծառայության ընթացքը և որակը՝ առանց միջամտելու Կատարողի գործունեությանը.

2.1.2 Եթե մատուցվել է պայմանագրի N 1 հավելվածում նշված Տեխնիկական բնութագիր-գնման ժամանակացույցին չհամապատասխանող ծառայություն.

ա) Չընդունել ծառայությունը՝ իր հայեցողությամբ սահմանելով անպատշաճ որակի ծառայությունը պայմանագրին համապատասխանող ծառայությամբ անհատույց փոխարինման ողջամիտ ժամկետ և պահանջել Կատարողից վճարելու պայմանագրի 5.2 կետով նախատեսված տուգանքը, ինչպես նաև 5.3 կետով նախատեսված տույժը.

բ) Հրաժարվել պայմանագիրը կատարելուց և պահանջել վերադարձնելու ծառայության համար վճարված գումարը և պահանջել Կատարողից վճարելու պայմանագրի 5.2 կետով նախատեսված տուգանքը.

2.1.3 Միակողմանի լուծել պայմանագիրը, եթե Կատարողն էականորեն խախտել է պայմանագիրը: Կատարողի կողմից պայմանագիրը խախտելն էական է համարվում, եթե՝

ա) մատուցված ծառայությունը չի համապատասխանում պայմանագրի N 1 հավելվածով սահմանված պահանջներին,

բ) խախտվել է ծառայության մատուցման ժամկետը:

### 2.2 Պատվիրատուն պարտավոր է՝

2.2.1 Քննարկել և ընդունել Տեխնիկական բնութագիր-գնման ժամանակացույցին համապատասխան մատուցված ծառայության արդյունքը, իսկ ծառայության արդյունքում թերություններ հայտնաբերելու դեպքերում՝ այդ մասին անհապաղ գրավոր հայտնել Կատարողին:

2.2.2 Ծառայության արդյունքն ընդունելու դեպքում Կատարողին վճարել վերջինիս վճարման ենթակա գումարները, իսկ ժամկետի խախտման դեպքում՝ նաև պայմանագրի 5.5 կետով նախատեսված տույժը:

2.2.3 Ողջամիտ ժամկետում տեղյակ պահել ՀՀ ԱԱԾ կողմից ՀՀ կառավարության թիվ 744-Ն առ 09.06.2005թ ընդունած որոշման հիման վրա ատոմային էներգիայի անվտանգության տեսակետից կարևոր օբյեկտներում աշխատանքներ իրականացնող անձանց հուսալիության ստուգման պատասխանների արդյունքների վերաբերյալ և դրական եզրակացության դեպքում տրամադրել անցագրեր:

### **2.3 Կատարողն իրավունք ունի՝**

2.3.1 Պատվիրատուից պահանջել վճարելու իրեն վճարման ենթակա գումարները, իսկ Պատվիրատուի կողմից պայմանագրի 4.2 կետում նշված ժամկետի խախտման դեպքում նաև պայմանագրի 5.5 կետով նախատեսված տույժը:

### **2.4 Կատարողը պարտավոր է՝**

2.4.1 Պայմանագրի N 1 հավելվածով սահմանված պայմաններով ապահովել ծառայության մատուցումը՝ ղեկավարվելով գործող օրենսդրությամբ:

2.4.2 Պայմանագրով նախատեսված դեպքերում վճարել պայմանագրի 5.2 և 5.3 կետերով նախատեսված տույժը և տուգանքը:

2.4.3 Որակավորման և պայմանագրի կատարման ապահովման գործողության ընթացքում լուծարման կամ սնանկացման գործընթաց սկսելու դեպքում դրա մասին նախապես գրավոր տեղեկացնել Պատվիրատուին:

**2.4.4 Աշխատանքները սկսելուց 40 (քառասուն) օր առաջ Պատվիրատուին ներկայացնել ՀՀ ԱԱԾ կողմից ՀՀ կառավարության թիվ 744-Ն առ 09.06.2005թ ընդունած որոշման հիման վրա ատոմային էներգիայի անվտանգության տեսակետից կարևոր օբյեկտներում աշխատանքներ իրականացնող անձանց հուսալիության ստուգման համար անհրաժեշտ փաստաթղթերը:**

**2.4.5 Պահպանել ՀԱԷԿ-ում գործող ներօբյեկտային և անցագրային ռեժիմի բոլոր պահանջները:**

## **3. ԾԱՌԱՅՈՒԹՅԱՆ ՀԱՆՁՆՄԱՆ ԵՎ ԸՆԴՈՒՆՄԱՆ ԿԱՐԳԸ**

3.1 Մատուցված ծառայությունն ընդունվում է Պատվիրատուի և Կատարողի միջև հանձնման-ընդունման արձանագրության ստորագրմամբ: Ծառայությունը Պատվիրատուին հանձնելու փաստը ֆիքսվում է Պատվիրատուի և Կատարողի միջև երկկողմ հաստատված փաստաթղթով՝ նշելով փաստաթղթի կազմման ամսաթիվը:

Մինչև պայմանագրով ծառայության մատուցման համար նախատեսված օրը ներառյալ Կատարողը Պատվիրատուին է տրամադրում իր կողմից ստորագրված՝ ծառայությունը Պատվիրատուին հանձնելու փաստը ֆիքսող փաստաթուղթը (հավելված N 3.1), իսկ էլեկտրոնային գնումների armeps համակարգի միջոցով (գործողության իրականացման ձեռնարկը տեղադրված է [www.procurement.am](http://www.procurement.am) հասցեով գործող կայքի «էլեկտրոնային գնումներ» բաժնում)՝ նաև հանձնման-ընդունման արձանագրությունը (հավելված N 3): Ընդ որում Կատարողը հանձնման-ընդունման արձանագրությունը չի կնքում, հաստատում է էլեկտրոնային ստորագրությամբ՝ լրացնելով միայն այն սյունակները, որոնք վերաբերում են իր տվյալներին (լրացման կարգը տեղադրված է [www.procurement.am](http://www.procurement.am) հասցեով գործող կայքի «Օրենսդրություն» բաժնի «Ֆինանսների նախարարի հրամաններ» ենթաբաժնում):

3.2 Եթե մատուցված ծառայությունը համապատասխանում է պայմանագրի պայմաններին, Պատվիրատուն պայմանագրի 3.1 կետում նշված փաստաթղթերը ստանալու օրվան հաջորդող աշխատանքային օրվանից հաշված 7 աշխատանքային օրվա ընթացքում ստորագրում և էլեկտրոնային գնումների armeps համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը և դրա ստորագրման համար հիմք հանդիսացած դրական եզրակացությունը:

3.3 Եթե մատուցված ծառայությունը կամ դրա մի մասը չի համապատասխանում պայմանագրի պայմաններին, ապա Պատվիրատուն չի ստորագրում հանձնման-ընդունման արձանագրությունը և պայմանագրի 3.2 կետում նշված ժամկետում էլեկտրոնային գնումների armeps համակարգի միջոցով Կատարողին հետ է վերադարձնում հանձնման-ընդունման արձանագրությունը և դրա չստորագրման համար հիմք հանդիսացած բացասական եզրակացությունը: Սույն կետի կիրառման դեպքում Պատվիրատուն ձեռնարկում է նման իրավիճակի համար պայմանագրով նախատեսված միջոցները և Կատարողի նկատմամբ կիրառում է պայմանագրով նախատեսված պատասխանատվության միջոցներ:

3.4 Եթե պայմանագրի 3.2 կետով սահմանված ժամկետում Պատվիրատուն չի ընդունում մատուցված ծառայությունը կամ չի մերժում դրա ընդունումը, ապա մատուցված ծառայությունը համարվում է ընդունված և պայմանագրի 3.2 կետով սահմանված վերջնաժամկետին հաջորդող աշխատանքային օրը Պատվիրատուն էլեկտրոնային գնումների համակարգի միջոցով Կատարողին է տրամադրում իր կողմից ստորագրված հանձնման-ընդունման արձանագրությունը:

#### 4. ՊԱՅՄԱՆԱԳՐԻ ԳԻՆԸ

4.1. Սույն պայմանագրով Կատարողի մատուցման ենթակա ծառայության գինը կազմում է **29,480,000 (քսանինը միլիոն չորս հարյուր ութանասուն հազար) ՀՀ դրամ:**

Գինը ներառում է Կատարողի կողմից իրականացվող բոլոր ծախսերը՝ այդ թվում հարկերը, տուրքերը և ՀՀ օրենսդրությամբ սահմանված այլ վճարները:

Ծառայության մատուցման գինը կայուն է և Կատարողն իրավունք չունի պահանջել ավելացնելու, իսկ Պատվիրատուն նվազեցնելու այդ գինը:

4.2 Պատվիրատուն իրեն մատուցած ծառայության դիմաց վճարում է ՀՀ դրամով անկանխիկ՝ դրամական միջոցները Կատարողի հաշվարկային հաշվին փոխանցելու միջոցով: Դրամական միջոցների փոխանցումը կատարվում է հանձման-ընդունման արձանագրության հիման վրա՝ պայմանագրի վճարման ժամանակացույցով (հավելված N 2) նախատեսված չափերով Պատվիրատուի կողմից հանձնման-ընդունման արձանագրությունը ստորագրվելու օրվանից հաշված մինչև 30 օրացուցային օրվա ընթացքում (ներառյալ ծառայության՝ վաղաժամկետ մատուցման դեպքերը):

#### 5. ԿՈՂՄԵՐԻ ՊԱՏԱՍԽԱՆԱՏՎՈՒԹՅՈՒՆԸ

5.1 Կատարողը պատասխանատվություն է կրում ծառայության մատուցման՝ պայմանագրի պահանջների պահպանման համար:

5.2 Պայմանագրի N 1 հավելվածում նշված տեխնիկական բնութագրին չհամապատասխանող ծառայություն մատուցելու յուրաքանչյուր դեպքում Կատարողից գանձվում է տուգանք՝ պայմանագրի 4.1 կետում նախատեսված գումարի 0,5 (զրո ամբողջ հինգ տասնորդական) տոկոսի չափով: Ընդ որում տուգանքը հաշվարկվում է նաև ծառայությունը սույն պայմանագրով սահմանված ժամկետում մատուցելու, սակայն պատվիրատուի կողմից այդ չընդունվելու դեպքում:

5.3 Պայմանագրով նախատեսված ծառայության մատուցման ժամկետը խախտելու դեպքում Կատարողից յուրաքանչյուր ուշացված աշխատանքային օրվա համար գանձվում է տույժ՝ մատուցման ենթակա, սակայն չմատուցված ծառայության գնի 0,05 (զրո ամբողջ հինգ հարյուրերորդական) տոկոսի չափով:

5.4 Պայմանագրի 5.2 և 5.3 կետերով նախատեսված տուգանքը և տույժը հաշվարկվում և հաշվանցվում են ծառայություն մատուցելու արդյունքում Կատարողին վճարման ենթակա գումարների հետ:

5.5 Պատվիրատուի կողմից պայմանագրի 4.2 կետով նախատեսված ժամկետի խախտման դեպքում Պատվիրատուի նկատմամբ յուրաքանչյուր ուշացված աշխատանքային օրվա համար հաշվարկվում է տույժ՝ վճարման ենթակա, սակայն չվճարված գումարի 0,05 (զրո ամբողջ հինգ հարյուրերորդական) տոկոսի չափով:

5.6 Պայմանագրով չնախատեսված դեպքերում կողմերն իրենց պարտավորությունները չկատարելու կամ ոչ պատշաճ կատարելու համար պատասխանատվության են ենթարկվում ՀՀ օրենսդրությամբ սահմանված կարգով:

5.7 Տույժերի և (կամ) տուգանքի վճարումը Կողմերին չի ազատում իրենց պայմանագրային պարտավորությունները լրիվ կատարելուց:

#### 6. ԱՆՀԱՂԹԱՀԱՐԵԼԻ ՈՒԺԻ ԱԶԴԵՑՈՒԹՅՈՒՆ (ՖՈՐՍ-ՄԱԺՈՐ)

Սույն պայմանագրով և սույն պայմանագրի հիման վրա կնքված համաձայնագրերով պարտավորություններն ամբողջությամբ կամ մասնակիորեն չկատարելու համար կողմերն ազատվում են պատասխանատվությունից, եթե դա եղել է անհաղթահարելի ուժի ազդեցության հետևանքով, որը ծագել է սույն պայմանագիրը կնքելուց հետո, և որը կողմերը չէին կարող կանխատեսել կամ կանխարգելել: Այդպիսի իրավիճակներ են երկրաշարժը, ջրհեղեղը, հրդեհը, պատերազմը, ռազմական և արտակարգ դրություն հայտարարելը, քաղաքական հուզումները, գործադուլները, հաղորդակցության միջոցների աշխատանքի դադարեցումը, պետական մարմինների ակտերը և այլն, որոնք անհնարին են դարձնում սույն պայմանագրով պարտավորությունների կատարումը: Եթե արտակարգ ուժի ազդեցությունը շարունակվում է 3 (երեք) ամսից ավելի, ապա կողմերից յուրաքանչյուրն իրավունք ունի լուծել պայմանագիրը՝ այդ մասին նախապես տեղյակ պահելով մյուս կողմին:

## 7. ԱՅԼ ՊԱՅՄԱՆՆԵՐ

7.1 Պայմանագիրն ուժի մեջ է մտնում կողմերի ստորագրման պահից և գործում է մինչև կողմերի պայմանագրով ստանձնած պարտավորությունների ողջ ծավալով կատարումը:

7.2 Պայմանագրից ծագած կողմի վճարային պարտավորությունը չի կարող դադարել այլ պայմանագրից ծագած՝ հակընդդեմ պարտավորության հաշվանցով, առանց կողմերի գրավոր և կնիքով հաստատված համաձայնության: Պայմանագրից ծագած պահանջի իրավունքը չի կարող փոխանցվել այլ անձի, առանց պարտապան կողմի գրավոր համաձայնության:

7.3 Այն դեպքում, երբ օրենքով նախատեսված կարգով օրենքի պահանջների կատարման նկատմամբ հսկողության կամ վերահսկողության կամ բողոքների քննության արդյունքում արձանագրվում է, որ գնման գործընթացում, մինչև պայմանագրի կնքումը, Կատարողը ներկայացրել է կեղծ փաստաթղթեր (տեղեկություններ և տվյալներ), կամ վերջինիս ընտրված մասնակից ճանաչելու մասին որոշումը չի համապատասխանում Հայաստանի Հանրապետության օրենսդրությանը, ապա այդ հիմքերն ի հայտ գալուց հետո Պատվիրատուն միակողմանիորեն լուծում է պայմանագիրը, եթե արձանագրված խախտումները մինչև պայմանագրի կնքումը հայտնի լինելու դեպքում գնումների մասին Հայաստանի Հանրապետության օրենսդրության համաձայն հիմք կհանդիսանային պայմանագիրը չկնքելու համար: Ընդ որում, Պատվիրատուն չի կրում պայմանագրի միակողմանի լուծման հետևանքով Կատարողի համար առաջացող վնասների կամ բաց թողնված օգուտի ռիսկը, իսկ վերջինս պարտավոր է Հայաստանի Հանրապետության օրենքով սահմանված կարգով փոխհատուցել իր մեղքով Պատվիրատուի կրած վնասներն այն ծավալով, որի մասով պայմանագիրը լուծվել է:

7.4 Պայմանագրի հետ կապված վեճերը ենթակա են քննության Հայաստանի Հանրապետության դատարաններում:

7.5 Պայմանագրում փոփոխություններ և լրացումներ կարող են կատարվել միայն Կողմերի փոխադարձ համաձայնությամբ՝ համաձայնագրի կնքելու միջոցով, որը կհանդիսանա պայմանագրի անբաժանելի մասը:

Արգելվում է պայմանագրում, իսկ եթե պայմանագրի գինը գործոնային է, ապա նաև այդ պայմանագրին կից հաջորդող յուրաքանչյուր տարիներին կնքված համաձայնագրում կատարել այնպիսի փոփոխություններ, որոնք հանգեցնում են գնվող ծառայության ծավալների կամ ձեռք բերվող ծառայության միավորի գնի կամ պայմանագրի գնի արհեստական փոփոխման:

Պայմանագրի կողմերից անկախ գործոնների ազդեցությամբ պայմանագրի փոփոխման յուրաքանչյուր դեպք սահմանում է Հայաստանի Հանրապետության կառավարությունը:

7.6 Ծառայության մատուցման ժամկետը կարող է երկարաձգվել մինչև պայմանագրով այդ ժամկետը լրանալը՝ Կատարողի առաջարկության առկայության դեպքում՝ պայմանով, որ Պատվիրատուի մոտ չի վերացել ծառայության օգտագործման պահանջը, իսկ Կատարողի առաջարկությունը ներկայացվել է ոչ ուշ, քան պայմանագրով ի սկզբանե ծառայությունների մատուցման համար սահմանված ժամկետը լրանալուց առնվազն 5 օրացուցային օր առաջ: Ընդ որում սույն կետով սահմանված դեպքում ծառայության մատուցման ժամկետը կարող է երկարաձգվել մեկ անգամ մինչև 30 օրացուցային օրով, բայց ոչ ավել քան պայմանագրով սահմանված ժամկետն է:

7.7 Պայմանագրի պատշաճ կատարման պայմաններում կողմերի (Կատարող կամ Պատվիրատու) օգուտները (խնայողություններ) կամ կրած վնասները տվյալ կողմի օգուտը կամ կրած վնասն են:

Պայմանագրի կողմերի՝ երրորդ անձանց նկատմամբ պարտավորությունները՝ ներառյալ պայմանագրի կատարման շրջանակում Կատարողի կնքած այլ գործարքները և դրանցից բխող պարտավորությունները, դուրս են պայմանագրի կարգավորման դաշտից և չեն կարող ազդել պայմանագրի կատարման արդյունքն ընդունելու վրա: Այդ գործարքների և դրանցից բխող պարտավորությունների կատարման հետ կապված հարաբերությունները կարգավորվում են այդ գործարքների հետ կապված հարաբերությունները կարգավորող նորմերով, և դրանց համար պատասխանատու է Կատարողը:

7.8 Պայմանագիրը չի կարող փոփոխվել կողմերի պարտավորությունների մասնակի չկատարման հետևանքով կամ ամբողջությամբ լուծվել կողմերի փոխադարձ համաձայնությամբ՝ բացառությամբ՝ Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցման դեպքերի: Ընդ որում, պայմանագրի կողմերի՝ պարտավորությունների մասնակի չկատարման կամ ամբողջությամբ լուծման կողմերի փոխադարձ համաձայնությունն անհրաժեշտ է ձեռք բերել նախքան Հայաստանի Հանրապետության օրենսդրությամբ սահմանված կարգով ծառայության մատուցման համար անհրաժեշտ ֆինանսական հատկացումների նվազեցումը:

7.9 Կատարողի կողմից ստանձնած պարտավորությունները չկատարելու կամ ոչ պատշաճ կատարելու հիմքով պայմանագիրն ամբողջությամբ կամ մասնակի միակողմանի լուծելու մասին ծանուցումը Պատվիրատուն հրապարակում է [www.procurement.am](http://www.procurement.am) հասցեով գործող ինտերնետային կայքի «Պայմանագրերը միակողմանի լուծելու մասին ծանուցումներ» բաժնում՝ նշելով հրապարակման ամսաթիվը: Կատարողը, պայմանագիրը միակողմանի լուծելու վերաբերյալ, համարվում է պատշաճ ծանուցված՝ ծանուցումը, սույն կետով սահմանված հրապարակվելուն հաջորդող օրվանից: Պայմանագիրն ամբողջությամբ կամ մասնակի միակողմանի լուծելու մասին ծանուցումը տեղեկագրում հրապարակվելու օրը Պատվիրատուն այն ուղարկվում է նաև Կատարողի էլեկտրոնային փոստին:

7.10 Սույն պայմանագրի կապակցությամբ ծագած վեճերը լուծվում են բանակցությունների միջոցով: Համաձայնություն ձեռք չբերելու դեպքում վեճերը լուծվում են ՀՀ դատարաններում:

7.11 Սույն պայմանագիրը կազմված է 12 էջից, կնքվում է երկու օրինակից, որոնք ունեն հավասարազոր իրավաբանական ուժ: Սույն պայմանագրի N 1, N 1<sup>ա</sup>, N 2, N 3 և N 3.1 հավելվածները հանդիսանում են պայմանագրի անբաժանելի մասը, յուրաքանչյուր կողմին տրվում է պայմանագրի մեկ օրինակ:

7.12 Սույն պայմանագրի նկատմամբ կիրառվում է Հայաստանի Հանրապետության իրավունքը:

## 8. ԿՈՂՄԵՐԻ ՀԱՍՑԵՆԵՐԸ, ԲԱՆԿԱՅԻՆ ՎԱՎԵՐԱՊԱՅՄԱՆՆԵՐԸ ԵՎ ՍՏՈՐԱԳՐՈՒԹՅՈՒՆՆԵՐԸ

### ՊԱՏՎԻՐԱՏՈՒ «ՀԱԷԿ» ՓԲԸ

**Հասցե:** ՀՀ, Արմավիրի մարզ, ք. Մեծամոր, 0910  
**ՀՎՀՀ:** 04401874  
**Հ/Հ:** 1930000199200100  
**Բանկ:** «Կոնվերս Բանկ» ՓԲԸ, ք. Երևան,  
**Հեռ.** (+374 10) 28-18-80, 20-04-91, 28 29 60  
**E-mail:** [anpp@anpp.am](mailto:anpp@anpp.am)



Մ. Վարդանյան

/ստորագրություն/



Կ.Տ.

### ԿԱՏԱՐՈՂ

### «Մագիստրալ նախագիծ» ՍՊԸ

**Հասցե:** ՀՀ, ք. Երևան, Բագրատունյաց 25/272.  
**ՀՎՀՀ:** 02228296  
**Հ/Հ:** 2052122160921001  
**Բանկ:** «Ինեկորանկ» ՓԲԸ  
**Հեռ.:** (+374) 10 46 75 58, 91 41 75 85  
**E-mail:** [magistral.nakhagits@yahoo.com](mailto:magistral.nakhagits@yahoo.com)



Ա. Հովհաննիսյան

/ստորագրություն/



Կ.Տ.

ՏԵԽՆԻԿԱԿԱՆ ԲՆՈՒԹԱԳԻՐ - ԳՆԱՆ ժԱՄԱՆԱԿԱՑՈՒՅՑ\*

ՀՀ դրամ

		Ծառայություն				մատուցման	
իրավերով նախատեսված չափաբաժնի համարը	գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	տեխնիկական բնութագիրը	չափման միավորը	ընդհանուր գինը/ՀՀ դրամ	ընդհանուր քանակը	հասցեն	Ժամկետը
1	71311370	<p><b>Աշխատանքը իր մեջ ներառում է.</b></p> <ul style="list-style-type: none"> <li>- Առկա ոչ պիտանի դեֆորմացիոն նշանների ապամոնտաժում – 192 հատ</li> <li>- A կարգի դեֆորմացիոն նշանների տեղադրում (անցքերի բացում 40մմ, փոտրակների փոշեզրկում, անցքերի լցում Sika AnchorFix կամ նմանատիպ նյութով, դեֆորմացիոն նշանների տեղադրում) – 187 հատ:</li> <li>- A կարգի դեֆորմացիոն նշանների /դասակարգված Լայ/ ժանգի մաքրում, ներկում հակակոռոզիոն ներկով, և նշահարման անցքի փորում – 80 հատ:</li> <li>- A կարգի դեֆորմացիոն նշանների /դասակարգված Գերազանց/ ժանգի մաքրում, ներկում հակակոռոզիոն ներկով – 55 հատ:</li> <li>- B կարգի դեֆորմացիոն նշանների տեղադրում եռակցման միջոցով ձեռքով 350 և 355 էլեկտրոդներով – 48 հատ:</li> </ul> <p><b>Նստվածքային նիշերի դիտարկում գեոդեզիական մեթոդով / կարգի, շինությունների նստվածքների և ծուռների վերաբերյալ հաշվեկոթությունների կազմում /դաշտային և գրասենյակային աշխատանքներ/</b></p> <ul style="list-style-type: none"> <li>- Գլխավոր մասնաշենք – 13 տեղադրում,</li> <li>- Հատուկ մասնաշենք – 6 տեղադրում,</li> <li>- Հեռացնող, մոտեցնող շրջանառու ջրատարներ – 10 տեղադրում,</li> </ul>	լրակազմ	29480000	1	ՀՀ, Արմավիրի մարզ, ք. Մեծամոր, <<ՀԱԷԿ>> ՓԲԸ	Մուտքի թույլտվությունը ստանալու օրվանից սկսած 8 ամիս

		<ul style="list-style-type: none"> <li>- Զրահովացման աշտարակներ - 8 տեղադրում,</li> <li>- Ցայտավազաններ - 6 տեղադրում,</li> <li>- Օդափոխության խողովակ - 3 տեղադրում,</li> <li>- Աշխատած միջուկային վառելիքի չոր պահպանման պահուստարան (CXORT) - 4 տեղադրում,</li> <li>- Ռեակտորի հիմնական միակցիչի հորիզոնական վիճակի ստուգում - 2 տեղադրում,</li> <li>- Դիզել-գեներատորային կայանի շենք - 2 տեղադրում,</li> <li>- Դիզելային պոմպակայանի շենք - 2 տեղադրում,</li> <li>- Պոմպակայաններ (Պոմպակայան 1,2, Սնուցման պոմպակայան, 2-րդ բարձրության պոմպակայան, Բլոկ պոմպերի շենք (BH)) - 7 տեղադրում,</li> <li>- Ջրընդունիչ կայան N№1, N№2 - 2 տեղադրում,</li> <li>- Բաց բաշխիչ սարքավորումների շենք (OPY) - 2 տեղադրում,</li> <li>- Օժանդակ կաթսայատուն - 2 տեղադրում,</li> <li>- Սանիտարակենցաղային մասնաշենք - 2 տեղադրում:</li> </ul> <p><b>Աշխատանքների հանձնման ժամանակ ներկայացվող փաստաթղթերն են՝</b></p> <ul style="list-style-type: none"> <li>• Խորքային հենանիշերի նստվածքների ամփոփագիր</li> <li>• Հողային և ժամանակավոր հենանիշերի նստվածքների ամփոփագիր (առկայության դեպքում)</li> <li>• Օդափոխության խողովակի հիմնավորման հատակագծի սխեմա և ծանց դիտարկումները</li> <li>• 1 կարգի շինությունների դեֆորմացիոն հենանիշերի նստվածքների ամփոփագիր յուրաքանչյուր շինության համար</li> </ul> <p>Ամփոփագրերը ներկայացնել համեմատական նախկին դիտարկումների հետ իրականացված 1993թ, 2002-2003թ և 2009թ:</p> <p>Ներկայացնել բոլոր ամփոփագրերը 4 օրինակից և էլեկտրոնային տարբերակով կրիչով: Պատվիրատուի պահանջով ամփոփագրերը պետք է ներկայացնել նաև ռուսերեն լեզվով:</p> <p>Վերոգրյալ ծառայությունը մատուցելու համար անհրաժեշտ բոլոր նյութերը, սարքեր-սարքավորումները այդ թվում նաև նշանները տրամադրում է Կատարողը իր միջոցներով:</p> <p>Հիշյալ ծառայության ծավալաթերթը հաստատված «ՀԱԷԿ»</p>		
--	--	---	--	--

\* Կադրառողը ծառայությունը մատուցելուց առաջ պետք է ներկայացնի Տեղեկանք, որ աշխատակիցները իրավունք ունեն աշխատելու հսկայան գոտում (ԿՅ), չունեն բժշկական հակացուցումներ և որոշմեզրայան սահմանափակումներ: (Инструкция по радиационной безопасности АЭС рк.ЭТД.12.ОРБ-001 пункт 10,1)

**ՊԱՏՎԻՐԱՏՈՒ  
«ՀԱԷԿ» ՓԲԸ**

*(Signature)*  
/ստորագրություն/

**Ս. Վարդանյան**

Կ.Տ.

**ԿԱՏԱՆՈՂ  
«Սագիտորայ նախագիծ» ՍՊԸ**

*(Signature)*  
/ստորագրություն/

**Ա. Հովհաննիսյան**

Կ.Տ.



«ՀԱԷԿ-ԳՀԾՁԲ-24/20» ծածկագրով գնման ընթացակարգի

ԾԱՎԱԼԱԹԵՐԹ-ՆԱԽԱԿԱՇԻՎ

<<ՀԱԷԿ>> ՓԲԸ շենքերի և շինությունների նստվածքների չափումներ գեոդեզիատական մեթոդով, դեֆորմացիոն նշանների վերանորոգում և նորերի տեղադրում

Աշխատանքի անվանումը	Չափի միավորը	Քանակը	Միավորի գինը (<< դրամ)	Գումարը (<< դրամ)
- Առկա ոչ պիտանի դեֆորմացիոն նշանների ապամոնտաժում – 192 հատ	հատ	192	15000	2880000
- A կարգի դեֆորմացիոն նշանների տեղադրում (անցքերի բացում Փ40մմ, փոստրակների փոշեզրկում, անցքերի լցում SIKA AnchorFix կամ նմանատիպ նյութով, դեֆորմացիոն նշանների տեղադրում) – 187 հատ:	հատ	187	50000	9350000
- A կարգի դեֆորմացիոն նշանների /դասակարգված Լամ/ ժանգի մաքրում, ներկում հակակոռոզիոն ներկով, և նշահարման անցքի փորում – 80 հատ:	հատ	80	15000	1200000
- A կարգի դեֆորմացիոն նշանների /դասակարգված Գերազանց/ ժանգի մաքրում, ներկում հակակոռոզիոն ներկով – 55 հատ:	հատ	55	15000	825000
- B կարգի դեֆորմացիոն նշանների տեղադրում եռակցման միջոցով ձեռքով 350 և 355 էլեկտրոդներով – 48 հատ:	հատ	48	40000	1920000
<b>Նստվածքային նիշերի դիտարկում գեոդեզիական մեթոդով / կարգի, շինությունների նստվածքների և ծռումների վերաբերյալ հաշվետվությունների կազմում /դաշտային և գրասենյակային աշխատանքներ/</b>				
- Գլխավորմասնաշենք – 13 տեղադրում,	հատ	13	155000	2015000
- Հատուկմասնաշենք – 6 տեղադրում,	հատ	6	155000	930000
- Հեռացնող, մոտեցնող շրջանառու ջրատարներ – 10 տեղադրում,	հատ	10	155000	1550000
- Ջրահովացմանաշտարակներ – 8 տեղադրում,	հատ	8	155000	1240000
- Ցայտավազաններ – 6 տեղադրում,	հատ	6	155000	930000
- Օդափոխության խողովակ – 3 տեղադրում,	հատ	3	155000	465000
- Աշխատած միջուկային վառելիքի չոր պահպանման պահուստարան (СХОРТ) – 4 տեղադրում,	հատ	4	155000	620000
- Ռեակտորի հիմնական միակցիչի հորիզոնական վիճակի ստուգում –2 տեղադրում,	հատ	2	155000	310000
- Դիզել-գեներատորային կայանի շենք – 2 տեղադրում,	հատ	2	155000	310000
- Դիզելային պոմպակայանի շենք – 2 տեղադրում,	հատ	2	155000	310000
- Պոմպակայաններ (Պոմպակայան 1,2, Սնուցման պոմպակայան, 2-րդ բարձրության պոմպակայան, Բլոկ պոմպերի շենք (БН)) – 7 տեղադրում,	հատ	7	155000	1085000
- Ջրընդունիչ կայան №1, №2– 2 տեղադրում,	հատ	2	155000	310000
- Բաց բաշխիչ սարքավորումների շենք (ОП) – 2 տեղադրում,	հատ	2	155000	310000
- Օժանդակ կաթսայատուն – 2 տեղադրում,	հատ	2	155000	310000
- Սանիտարակենցաղային մասնաշենք – 2 տեղադրում:	հատ	2	155000	310000
<b>Աշխատանքների հանձնման ժամանակ ներկայացվող փաստաթղթերն են՝</b>				
· Խորքային հենանիշերի նստվածքների ամփոփագիր	հատ	1	2300000	2300000
· Հողային և ժամանակավոր հենանիշերի նստվածքների ամփոփագիր (առկայության դեպքում)				
· Օդափոխության խողովակի հիմնավորման հատակագծի սխեմա և ծման դիտարկումները				
· I կարգի շինությունների դեֆորմացիոն հենանիշերի նստվածքների ամփոփագիր յուրաքանչյուր շինության համար				
Ընդամենը				29480000

ՊԱՏՎԻՐԱՏՈՒ  
 «ՀԱԷԿ» ՓԲԸ  
  
 Մ. Վարդանյան  
 /ստորագրություն/  
 Կ.Տ.

ԿԱՏԱՐՈՂ  
 «Մագիստրալ նախագիծ» ՍՊԸ  
  
 Ա. Հովհաննիսյան  
 /ստորագրություն/  
 Կ.Տ.

Հավելված N 2  
 « 15 05 » 2020թ. կնքված  
 No. 03/29 պայմանագրի  
 «ՀԱԷԿ-ԳՇՁԲ-24/20» ծածկագրով գնման ընթացակարգի

ԿՃԱՐՄԱՆ ԺԱՄԱՆԱԿԱՑԱԿՅՑ

Կնքված		Ծառայություն																
Կնքված	Կնքված	Գնումների պլանով նախատեսված միջանցիկ ծածկագիրը՝ ըստ ԳՄԱ դասակարգման (CPV)	անվանումը	2020						2021								
				ապրիլ	մայիս	հունիս	հուլիս	օգոստոս	սեպտեմբեր	հոկտեմբեր	նոյեմբեր	դեկտեմբեր	հունվար	փետրվար	մարտ			
1	71311370	<<ՀԱԷԿ>> ՓԲԸ շենքերի և շինությունների նստավածքների չափումները գեոդեզիստական մեթոդով, դեֆորմացիոն նշանների վերանորոգում և նորերի տեղադրում							29480000	29480000	29480000	29480000	29480000	29480000	29480000	29480000	29480000	29480000

\* Կճարման ենթակա գումարները ներկայացվում են աճողական կարգով:

\*\* Կճարումը կկատարվի փաստացի մատուցված ծառայության հանձնման-ընդունման արձանագրության հիման վրա Պատվավորուհու կողմից այն ստորագրվելուց հետո 30 օրացուցային օրվա ընթացքում (ներառյալ ծառայության վաղաժամկետ մատուցման դեպքերը)

ՊՍՏԻՒՄԻՍՏԻ  
 «ՀԱԷԿ» ՓԲԸ  
 Ս. Վարդանյան  
 /ստորագրություն/ Կ.Տ.

ՀԱՍՏԱՏՈՒ  
 «Մազիստրալ Լոգիստիկ» ՍՊԸ  
 Ա. Հսկանիսյան  
 /ստորագրություն/ Կ.Տ.

Պայմանագրի կողմ  
\_\_\_\_\_  
\_\_\_\_\_  
գտնվելու վայրը \_\_\_\_\_  
հհ \_\_\_\_\_  
հվհհ \_\_\_\_\_

Պատվիրատու  
\_\_\_\_\_  
\_\_\_\_\_  
գտնվելու վայրը \_\_\_\_\_  
հհ \_\_\_\_\_  
հվհհ \_\_\_\_\_

**ԱՐՁԱՆԱԳՐՈՒԹՅՈՒՆ N  
ՊԱՅՄԱՆԱԳՐԻ ԿԱՄ ԴՐԱ ՄԻ ՄԱՍԻ ԿԱՏԱՐՄԱՆ ԱՐԴՅՈՒՆՔՆԵՐԻ  
ՀԱՆՁՆՄԱՆ-ԸՆԴՈՒՆՄԱՆ**

«        » «        » 20 թ.

Պայմանագրի /այսուհետ՝ Պայմանագիր/ անվանումը՝

Պայմանագրի կնքման ամսաթիվը՝ «        » «        » 20 թ.

Պայմանագրի համարը՝ \_\_\_\_\_

Պատվիրատուն և Պայմանագրի կողմը՝ հիմք ընդունելով պայմանագրի կատարման վերաբերյալ «        » «        » 20 թ. դրուս գրված N \_\_\_\_\_ հաշիվ ապրանքագիրը, կազմեցին սույն արձանագրությունը հետևյալի մասին.

Պայմանագրի շրջանակներում Պայմանագրի կողմը մատուցել է հետևյալ ծառայությունները՝

N	անվանումը	տեխնիկական բնութագրի համառոտ շարադրանքը	Մատուցված ծառայությունների				Վճարման ենթակա գումարը /հազար դրամ/	Վճարման ժամկետը /ըստ վճարման ժամանակացույցի/
			քանակական ցուցանիշը		կատարման ժամկետը			
			ըստ պայմանագրով հաստատված գնման ժամանակացույցի	փաստացի	ըստ պայմանագրով հաստատված գնման ժամանակացույցի	փաստացի		

Սույն արձանագրության երկկողմ հաստատման համար հիմք հանդիսացած հաշիվ ապրանքագիրը և դրական եզրակացությունը հանդիսանում են սույն արձանագրության բաղկացուցիչ մասը և կցվում են:

Ծառայությունը հանձնեց

\_\_\_\_\_  
ստորագրություն  
\_\_\_\_\_  
ազգանուն, անուն  
Կ.Տ.

Ծառայությունն ընդունեց

\_\_\_\_\_  
ստորագրություն  
\_\_\_\_\_  
ազգանուն, անուն  
Կ.Տ.

ԱԿՏ N

պայմանագրի արդյունքը Պատվիրատուին հանձնելու փաստը ֆիքսելու վերաբերյալ

Սույնով արձանագրվում է, որ \_\_\_\_\_-ի (այսուհետ՝ Պատվիրատու) և \_\_\_\_\_-ի  
Պատվիրատուի անունը Կատարողի անունը

(այսուհետ՝ Կատարող) միջև 20 թ. \_\_\_\_\_-ին կնքված N \_\_\_\_\_  
պայմանագրի կնքման ամսաթիվը պայմանագրի համարը

գնման պայմանագրի շրջանակներում Կատարողը 20 թ. \_\_\_\_\_-ին հանձնման-ընդունման  
 նպատակով Պատվիրատուին հանձնեց ստորև նշված ծառայությունները.

Ծառայության		
անվանումը	չափման միավորը	քանակը (վիաստացի)

Սույն ակտը կազմված է 2 օրինակից, յուրաքանչյուր կողմին տրամադրվում է մեկական օրինակ:

ԿՈՂՄԵՐԸ

**Հանձնեց**

\_\_\_\_\_  
 ազգանուն, անուն  
 \_\_\_\_\_  
 ստորագրություն

**Ընդունեց**

հայտը նախագծած ներկայացուցիչ՝

\_\_\_\_\_  
 ազգանուն, անուն  
 \_\_\_\_\_  
 ստորագրություն